

春
在
堂
詩
編

丙編

春在堂詩編二十三

德清俞樾

丙午元旦

平明爆竹振門牆

命陸雲於卯初祀門

喜氣迎來東北方佳讖難

符鄭高密

前年甲辰去年乙巳余非康成不足應龍蛇之讖

耄齡已過郭汾陽

紅箋仍寫新年吉

依年例書元旦舉筆百事大吉

綠菊還留去歲香我

是山陰陸務觀不知尙醉幾春光

放翁有詩云嘉定三年正月後不知尙醉

幾春風其年八十六

陸春江中丞元旦謁客余與任筱沅中丞均謝不

見往見皕亭侍郎云吾今日欲見三老止見一老

耳飽亭曰我乃附庸之老也次日以語余因衍其語爲詩

子男五十里乃成一邦域不及五十里謂之附庸國人生七十歲方覺古來少不及七十歲謂之附庸老我聞邵子魯附庸僖二十年來朝公其人實已百餘歲齊嬰吳札將母同爵雖卑年則崇何必百七十里雄據公侯封桃潭汪郎六十八古天子卿原與公侯埒歸來吳下作寓公頭尙未童齒未豁自稱足力稍蹒跚人見天機常活潑自此七十八九十而期頤延年益壽無窮期今雖暫屈邾滕列不久吳晉爭黃池他日周邵康公一

百有六十躬率東方諸侯朝京師吾儕四五百歲已作
雞窠之小兒降爲任宿須句顓臾其奚辭

余刻春在堂襍文王研香傳暴方子傳已刻於第
五編卷三又刻於第六編卷二疏忽至此賦此解
嘲

六集刊成聊自怡兩篇複出大堪嗤史家原有重登傳
如宋史程師孟已見文苑非無並載詞如文苑英華劉
列傳又見於循吏傳
見一百二卷一儼倣一歌三疊例還如兩本對警時莫
見一百五卷
當李益韓翃看同世同名轉可疑

六橋都尉以同知官吾浙去年以異常勞績保舉

者一以尋常勞績保舉者二又經奉天將軍奏
調一次一歲之中姓名四達 天聽遂以異常

勞績得免補本班以知府用書來述及賀之以詩

才調如君故自超 恩詔下 丹青官階已至二

千石藝苑仍傳三六橋

君名三多號六橋人稱之曰三六橋外更有六橋余嘗調以詩云西湖裏外

詩家三六橋四次姓名陳 玉展百年家世本金貂

君本

杭州駐防屈居門下門生籍頓使衰翁老態驕

君受業於余門下士王夢

薇故自稱門人

人日雨穀日雪登元旦韻

雨打軒窗雪打牆老懷欲遣苦無方但將病卧過佳日

益歎衰齡近夕陽院內飛揚眞白起

南唐酒令云雪下紛紛便如白起

牀前嬉戲小黃香

謂兩曾孫

元宵能否天開霽好借燈光伴

月光

光緒三十二年正月十二日立春例於前一日迎春而是日適遇忌辰女壻許子原知蘇州府諮求故事不得因從眾議改於初十日迎春余因以詩紀之他日卽吳中一故事矣

先春一日例迎春今歲恭逢國忌辰爲報芒神前兩日恰當陬月最初旬新詩好付輜軒采故事奚須掾吏詢多謝蘇州賢太守預支芳信與吳民

子原迎春輿中得詩余次韻和之

太守迎春遠出城要從東作祝西成祥光轉動旌旗色
協氣調和律管聲黎庶窮檐同樂利老夫病榻自將迎
婆娑枯樹垂垂盡倘藉陽和一發生

卽事四首寄陳蘭洲同學

蘭洲書來言放翁詩多而題目少吾師詩必有題殊
勝放翁因戲效放翁體作此寄之

病中日月逐年增俯仰生平感不勝海內已停科舉學
街頭猶賣狀元燈但求風月無加減不管烟雲有廢興
寄語時流莫相笑本來退院一閑僧

五十年來吳下居須知天地我蘧廬任題鼎甲崢嶸第
只讀盤庚佶屈書穩便隨身惟竹杖從容代步有籃輿
所嗟朋舊凋零盡昔日黃鱸處處虛

老去襟懷強自寬閒來感慨總無端竟虛聞喜兩回宴

豈慕編修六品官

聞新設學部編修官六品

尚有書堪藏宛委已無

夢可話邯鄲惟餘一片心頭熱雖到嚴冬不畏寒

余性不畏

寒衣被甚薄然亦病也

底事宵闌睡未酣此心久似老瞿曇不看日日新聞報
只守年年老學庵齒過八旬還晉六詩編廿卷又開三
吟成寄與方山子借問何如陸劍南

五年前以盆梅贈外弟姚少泉至今歲猶盛開弟婦沈以詩來謝次韻荅之

連朝晴日照苔垣生意潛回老瓦盆借此一枝弄春色

伴君五載住吳門迢迢遠寄孤山夢

弟家自杭移來

漱灑香浮

元夕樽爲語劉樊賢伉儷年年強健是天恩

弟夫婦同庚今年七

十八矣

元宵後一日鮑亭餽浮圓子佐以醬鴨賦謝

疊拜承匡賜頻分舉箸腴盤中陳炬妝厨下誤壺盧芳

詠連朝至清談昨日俱更無鮮字報

去年鮑君魚羊二味有詩云今將鮮

字報

先生 蠡字學髯蘇

梅花中有名骨裏紅者花開紅甚折而視之枝榦
皆紅洵異品也爲賦一詩

老梅日日醉春風醉盡春風表裏融竟是千金燕市骨
並非一捻洛陽紅素心蘭藥差堪比人面桃花豈與同
任爾燕支費顏色箇中顏色畫難工

劉君光珊六十生日乞詩

中和令節補新正

君生於元旦於二月朔補祝

共晉筵前酒一觥只

算屠蘇杯再把本來彌勒佛同生

俗傳正月初一彌勒佛生日

篋中

賀火書猶在

君前年事

海外同風集已成

君在滬頻與日惟本詩人唱和

願年年春二月長開盛會比耆英

徐花農何梅叟自京師寄和元旦詩疊韻奉酬

病榻昏昏儼面牆懶將節物品圓方

吳下節物有尖圓方之說謂端午糝

中秋餅重陽糕余謂年饌方元宵團子圓亦具方圓二種但無尖者耳

新年已過猶正月

古韻重拈又十陽

今韻七陽古韻第十

且喜聯翩來妙墨更容沾

染到天香

花農饒平安香內府物也

一牋寄去長安陌老筆雖積

尚有光

再仿劍南體寄陳蘭洲

無端一病起正初不覺淹纏半月餘春夢婆休談往事

秋雲孃且閱新書

秋雲孃外國小說也

琴聲院外隨風散

兩曾孫女彈琴

余未聞也梅藥牀頭得暖舒可奈連朝雨兼雪杏花消息竟

何如

十七年來病有根逢春屢發避無門

庚寅歲余在德清掃墓於小舟中悶

腰挫氣自是逢春屢發

湧泉兩穴頻頻擦翦水雙瞳久久昏駒隙

光陰成老大鷄窠飲食仗兒孫亡妻遺法如猶驗擬擁

寒衾讀魯論

姚夫人晚年喜讀論語云可以却病

東坡敢謂老猶饕餮飯朝來幸未毛京口嘉肴小白片

切肉作片俗呼白片肉時從孫篆玉餽京口肴未至京口肴見上卷詩

浙中珍蔬大紅袍

滬上時荷賣大紅袍實即萊菔也云出浙中

詩腸雖病何曾澁飯量如前本

不高一日三餐憑几坐吾孫

金殿此揮毫

余牀前據以飲食者

乃吾孫應御試時所用考卓子也

書室兼旬不一過惟於臥榻自婆娑齒牙落盡齧猶痛
心氣虛來夢轉多朋輩爭賡元旦韻兒曹爲唱百年歌
施肩吾侍唐才子憑仗詩篇嚇病魔

前詩云心氣虛來夢轉多因思晉人論夢有因有
想實則強作解事夢由於心心氣虛則多夢心氣
實則無夢續賦一詩衍說此義

虛靈義本紫陽翁

大學注云
虛靈不昧

境到虛時靈自通若問夢

魂何擾擾都緣心地太空空一絲飄渺游人外萬象離

奇見鏡中欲向天王籌補救

古方有
天補心丹

天王一笑謝無

功

陳彼石中丞自汴移蘇詩以迓之

自送牙幢汴水游

君癸卯年自
漕督調豫撫

詩筒歲歲遞蘇州移旌

今喜臨吳會轉漕人猶憶鄭侯韓范勛名從此遠潘楊
戚誼本來優君看竹馬兒童後更有吾孫迓八騶

蘭洲餽於潛天生朮一枚賦謝

往歲左文襄曾餽於潛朮食之留其半千金不與易扁
鐲貯筐箱封題進 宮掖從此於朮名愈高居然入貢

如苞茅

朝廷屢下徵求詔疆吏奚辭采取勞

君妹
壻孫

氏舊藏於朮一枚重十七兩後由王荅農觀察進之左
文襄文襄餽其半又由 醇邸以其半進 今上服之
大效於是命浙撫歲貢於潛諸山接天目奚啻千巖與
朮以上皆君書來所說

萬壑雲花露葉所涵濡日精月華所孕育爰有神朮由
天生莫測靈根何地伏天既生之天亦慳鬼呵神護求
之艱樵步入山偶有得荷鑊而往空手還君從何處得
此種竟與文襄相伯仲劈之一幹而雙歧權之九十六
銖重噫嘻此朮殊神奇固宜包匭馳京師老夫於世一
無補僭食神朮非其宜感君之意勉進一卮報君之惠
聊賦一詩朮兮朮兮其無辭扶我正氣補我脾譬如初
茁山中日一飽徒供鹿與麋

朮初生往往
爲野獸所食

日本櫻井兒山爲我作春在堂全書類聚目錄因
思往年門下士臨海尤瑩字藁生曾爲吾書作目

錄分經史子集四類逐條分析各從其類其書幾
二十卷未成而卒兒山此錄似無其詳悉然亦嗜
讀吾書者矣賦此寄謝

吾自汴梁歸始卜吳中屋一意事纂述卅年忘寒燠遂
令所箸書寫之逾萬幅

春在堂全書已刻者一萬二千一百五十葉

吾黨有尤

子病其不易讀爰仿通鑑例爲吾作目錄經史與子集
各以類相屬其書惜未成此志竟誰續東海樓井君姓
名吾所熟年已過艾耆手不離卷軸乃就吾全書分類
編爲目細目雖未詳大綱曰在握慨自新學興吾書束
高閣同學二三子晨星久寥落甚或走殊塗迷陽與卻

曲何意海天外相從如驂服吾道其東歟欣然以此卜
俗云男怕穿鞢女怕戴帽謂男忌足腫女忌頭腫
也余近來兩足頻患浮腫頗有穿鞢之兆戲賦一
詩

不著朝鞢五十年青鞋布鞢總翛然如何白髮八旬叟
又結烏皮六縫緣脚氣集中添故實革華傳裏補新編
但求勿向街頭買學士官衙滿市懸
時浮浪子弟喜著
學士鞋滿
街衙賣
西洋鞋美其名曰

詠經精舍歌

文達阮公來視學招集名流同相度 行宮左畔樓三

楹創志書所稱第一樓纂詰一書從此作纂謂經籍後來節鉞鎮杭

州舊蹟重修第一樓此是詰經精舍始孫王栗主至今

留精舍初建文達延王蘭泉係淵數十暑寒一俯仰紅

羊劫後成榛莽謂庚申辛酉之亂中興重建是何人端敏馬公

果敏蔣馬蔣重興與舊同沈顏兩老太恩同治間重

嘉興顏雪廬湖州沈蕭士壇席未容虛浙右弓旌不惜

到吳中吳中寓客名俞樾承乏紫陽兩裴葛儼然來此

作經師始自戊辰終戊戌顏沈兩公既去馬端敏曰然

吳下紫陽書院甫兩載端敏來請余乃辭蘇而就浙悠悠三十一年春長為湖樓

作主人不負春秋好風月一年兩度住湖濱浙水東西

十一郡其時駢集多才俊幾人抗手揖班張幾輩低頭

拜服鄭輶軒使者此經過深歎人材精舍多學海詞源

隨挹取春華秋實總搜羅猶記昔逢丁亥歲坐擁皋比

二十載戲為湯餅召諸生大烹豆腐瓜茄菜光緒丁亥余主講

經二十年矣招住院諸生於俞樓同飲有詩云算我生辰湯餅筵大烹句用成句俞樓一角殼

徘徊俞樓即詒諸君為我所築樓上窗櫺扇扇開白頭宮保攜詩

至謂彭滄海門生問字來謂日本陳政子德其時海內猶無事

傲在乾隆嘉慶世主持風化老元臣尊禮賓師諸大吏

不圖世局似循環轉綠回黃一瞬間雅玷騷壇成往事

蠻書爨字滿人寰霰雪霜冰機已露其中消息應堪悟

三十年爲一世人一年蛇足添來誤

余至丁酉歲已滿三十年卽擬辭退

爲廖中丞及院內諸生挽

留明年戊戌乃決志謝去此後相沿又幾年夕陽光景

暫流連欲尋文達當年舊只有門前額尙懸

功令新

頒罷場屋精廬一律同零落八集諸經文可燒

余選刻

已至重修精舍碑應仆

余有重建誌

回首前塵總惘然

重重春夢化爲煙難將一掬憂時淚重灑先師許鄭前

卽用余年來已悟浮生寄掃盡巢痕何足計海山兜率

舊詩意尙茫茫莫問西湖舊游地

送陸春江中丞還杭州

卅載賢勞願息肩恭承

明詔暫歸田乍拋節鉞偏多

味一到湖山便是仙吳楚謳思從此起白蘇社會讓公
先只憐來歲之江館未必能開極盛筵
吳中新建浙江會館今春團拜
公爲領袖次之者濮紫泉方伯朱竹石廉訪糧道陸申甫觀察首府許子原太守皆浙人也極一時之盛明歲恐盛筵難再矣

錢乙生廣文著長元吳三學諸生譜起順治乙酉
迄光緒乙巳備載無遺余爲作序因題一律

二百年來文運恢儒冠儒服滿蘇臺
朝廷雖換新功

令鄉里仍尊老秀才小錄青衿今考定
吳中舊有彩旗

黃蓋舊迎來
閩百詩先生父牛叟先生前津園前導

林此日重經過只有賢門兩扇開

子澄太史延清裏集太常仙蝶事實及各家詩詞
爲蝶仙小史卽題其後

自慚不是漆園仙未結蘧蘧夢裏緣欲爲翩仙添小史
戲將逸事話從前

曰未初秋秋夕涼故人招我共壺觴歸來閒坐紅燈下

錦盒盛來老孟光

咸豐己未余僦居吳中蘇撫徐壯愍公招飲是夕內子姚夫人侃得一大

蝶異而以錦盒盛之余歸出而其看翩翩如故縱之窗

外余時不識仙蝶未及細審其形質亦未知果是否也

第二回逢己卯冬又教人訝是仙蹤是時晨起濃霜滿

亡婦剛營馬鬣封光緒己卯冬余葬姚夫人於右台山

晨起嚴霜滿地有蝶黑質黃章翩躚

飛舞越二日又見亦如之此殆

吾孫戊戌探花回小蝶翩翩聚作堆疑是仙人黑老道
化爲千百億身來戊戌年余孫以第三人及第聞報前三口有小蝶無數飛集春在堂前皆
黑色也數日後有大蝶來引之去

往歲詩篇爲二徐拙集中實賦太常仙蝶者惟爲徐壽
作七律今將瑣語補當初何當問訊唐張果一樣成仙
二首
如不如

花農於都下禱於箕仙求方爲余治疾賦此謝之
十七年來病已深元非二豎故來侵莊周末達養生旨
仲路猶存請禱心欲爲蜉蝣延短晷翻教鸞鶴發清音
只愁時至終當去枉費仙方肘後金

弔潘烈士

潘宗禮字子寅又字英伯順天府通州人自高麗航海回憫彼國之淪胥歎中原之積弱遺書數千言託其友呈外務部轉達遂於光緒三十一年十二月初九日蹈海而死海內稱爲潘烈士

直將一死振聾盲四海爭傳烈士名古有鮑焦今復見世人莫道太輕生

海外於今別有天樓臺屈氣莽無邊須知蹈海猶非計
愁殺先生魯仲連

禹鐘酒

越中佳釀得名奇豈果傳從夏后時當日雖然惡儀狄
至今竟未絕追蠡鶴觴幸已飛千里龍勺何妨酌一卮
禮記夏后氏以龍勺想見年年六月六家家清酌獻神祠禹陵見
聖裔妣君云族人甚眾每年六月六大禹生日皆來會
祭余因思禹鐘酒名殊不可解疑非鐘鼓之鐘乃酒鐘
之鐘此酒蓋似氏子孫釀以祭禹者以再惡旨酒故
清例如此鍾鐘音近易訛姑存此說質之越中父老
與客談詰經精舍舊事

老學庵中老病身舊游回憶聖湖濱樓頭雪月雨晴景
西湖有晴雨雪月四景坐上周秦漢魏人余謀諸生治經必主前
古義賦亦多取古體
輩典型猶未墜升平樂事尙堪循乾嘉雖遠餘風在不
枉生爲盛世民

往年王益吾祭酒視學江蘇續刻 皇清經解潘
蟬琴學士視學浙江續刻兩浙輶軒錄一時稱盛
事今相距纔十許年耳而此兩刻無過問者矣披
覽之餘喟然有作

大江南北浙西東使者星來兩處同學海堂前蒐墜簡
輶軒錄外采餘風崢嶸壇坫俱稱盛辛苦丹鉛各奏功
十六七年彈指過蟬殘良朽付飄蓬

謝白須溫卿餽湯花

色味香三絕來從東海槎瑤瓶瀉瓊藥玉液泛金花日
覺甘如醴還看清似茶湯煎曾說餅今又拜君嘉

湯煎餅亦

君所
饒

櫻井兒山以魚籃觀音瓷像寄贈賦謝

是誰海上駕龍輦載得慈雲一片過妙相居然現天女
名審原不讓官哥攜來煙水魚籃小收取乾坤蜃氣多
中外同沾仁藐力行看萬里永無波

得樂峯尙書來書卻寄

一箋投我勝瓊琚想望清光十載餘北斗泰山韓吏部
春風紅杏宋尙書寄來叩杖扶羸步留得胡牀便燕居
公去蘇日以皮荷子三具見贈
及至蜀後又寄贈叩竹枝三枝
倘許南疆重借寇料應
再訪子雲廬

題吳柳堂司年罔極編後

是編自咸豐十年七月一日始至九月六日止紀其
母宣太夫人病歿時事而時變亦略及焉柳堂後以
尸諫言人所不能言其事當載 國史茲因其孫儀
扮出是編見示率題其後

四海傳遺疏千秋仰偉人今觀罔極錄尤見性情真吾

榜嗟寥落惟公邁等倫康熙老庚戌應許企前塵

康熙庚戌

科得人極盛陸清獻李文貞皆出是科道光庚戌介丁

未壬子間舊有蜂腰之誚然如公等亦無愧科名惟余
慙其問祇有
慙汗而已

余刻二十二卷詩成覆閱之竟有押重韻者疏忽

如此不禁失笑賦此以告觀者

一韻居然兩用之鑄成大錯太離奇豈真沿襲柏梁體

漢武帝柏梁臺詩重押三之三治二哉二時二來二材抑或規摹梁父詞孔明梁父詞重

押二見說古人原不忌顧亭林云古人不忌重韻須知今律究非宜

輞川居士曲園叟獨步千秋兩首詩王摩詰太子太師徐公挽詩五律四

首第一首重押兩名字律詩重韻此爲僅見而余又貿然繼之恐千古更無第三首矣

陸雲還杭州掃墓親至法相寺看去年所營書藏

在寺後石壁上其下有亭軒故址卽志書所謂種

石軒也因援諸暨寶掌書藏之例賦五律一首他

日亦擬刻之石上

今日藏書處當時種石軒荒蕪軒已圯埋沒石無言佛
借半弓地天開六甲元百年留有待猿鳥莫譴詆

宿疴小愈出至外齋

軒窗兩月未曾開拂拭塵埃又一回自覺我如魚樂甚
錯疑人化鶴歸來便從架上繡黃卷再向階前掃綠苔
小劫居然更逃過不知能此幾徘徊

日本櫻花歌

往年看櫻花高僅尺有奇

井上陳子德以小者數株合種一盆見贈

去年看

櫻花無幹虛有枝

白須溫卿以折枝見贈

今年春風大得意移得

瓊林全樹至

亦溫卿所贈

試將鈿尺一評量五尺堯禾猶不

齊孤幹直立枝彎環荏苒柔條未忍攀高張七寶玲瓏
繖雲花露葉盈其間想見東瀛花事好十里五里看不
了行來如入藥珠宮望之儼對瑤華鳥老眼摩挲曉日
中微嫌孤樹不成叢花前戲誦前人句若得千株便雪
宮

花初開微紅盛開則白老
眼模糊見白未見紅也

西洋水仙

洛神小賦傲陳思一樣根株異樣姿微步來從滄海外
輕袿換到豔妝時

五色皆備

楊妃浴後原如玉鄭婢泥中不

受緇

或水中或泥土
中栽之皆可

東國櫻花开最好無香翻覺少輸

伊

時東洋櫻花亦
盛開但少香耳

仁錢筍

鄒君景叔杭人也以仁和筍饋云筍有仁錢之別仁
和美而錢塘劣余衍其語作歌

春雷隱隱又軫軫驚起鐸龍齊露頂朝來小市人聲喧
山中人賣山中筍山中筍擔來聯翩就中分別仁與錢
錢唐之筍非不美不如仁和尤甘鮮我思錢唐古秦縣
仁和今縣宋時建豈有薛滕爭長嫌竟如橘枳踰淮變
仁和境內人煙稠膏腴萬頃皆良疇一任清廉賢令尹
便堪騎鶴上揚州錢唐管領湖山美繞郭荷花三十里
袖中明月與清風三竺白雲六橋水弟兄魯衛竟如何

燕瘦環肥相去多筍味居然同宦況錢唐只合讓仁和我昔右台仙館住飽喫錢唐筍無數陶莊日日送將來半帶黃泥半帶露今日仁和筍入厨牛齧軟嚼尙能無只能辨別新蕮菜嫩是西湖者太湖蘇州蕮菜皆出太湖也

達齋東偏有山茶一株高不盈丈今歲花開有大如牡丹者諦視之一榦兩花實並蒂也紀以詩

達齋東畔柳陰稠小小山茶數尺修忽訝一花大如盎誰知兩朶合成毬瑤臺邢尹同嬌面香國郊祁並狀頭檢點曼陀羅舊譜不知此卽串珠不串珠者

聞意大利國非素伊山炸裂感賦

火山炸裂事海外常有之今聞意大利又有非素伊土地盡崩圻人民皆流離旬日流傳寰宇徧見說鄰封咸往唁可知此事不尋常是亦海邦一大變我思人身小天地天地與人原不異上古黃帝有遺言陰欲其平陽欲闕人心馳逐無時休自忘身世同蜉蝣力所不能及智所不能謀上天下地窮搜求一刹那中起樓閣一方寸地興戈矛天一眞源爲之涸龍雷虛燄從而浮非但紅潮滿其頰甚或赤眚盈其眸亢陽有悔無可奈膏火自焚良堪憂今觀泰西人頗亦類乎此利必析豪釐算

不遺尺咫礦金掘到九幽中電氣收來半空裏是真天地一螫賊吸盡菁華猶未已山澤氣窮窮不通陰降陽升卦爲否炎炎焱焱起山中雖挽銀河那能止古之聖人知其然竭澤焚山禁勿使常爲天地留有餘利或未與害可弭自從堯舜禹湯來三千餘年蒙其祉方今事事效西洋窮高極遠伊何底自此更歷千百年天地之大亦窮矣陰不涵陽陽不潛冬日花開到桃李安知中國諸名山不亦同時報火起吾聞胡僧論劫灰世界終爲劫火燬今觀火山炸裂形是卽劫火燔燒始靈源斷絕大槐焚精氣枯乾混沌死若要生人與生物不識幾

千萬甲子老夫竊抱憂天心抑亦自悟養生旨慎無再
燭昆岡炎亟宜善養華池水

陳小石中丞出示留別大梁詩次韻奉贈

千里封圻仗主持況當庶政振興時浚儀城外移新節

清晏園中補舊詩

君曾任漕督有清晏園三瑞詩

郇伯雨膏人盡望

江督

電請

速來弱翁治行

帝深知

命無庸來見

恩恩行色吟偏健一

申明珠探得驪

莫戀樊樓舊酒痕南邦歌頌至今存且辭月下梁王苑

來欸花前齊女門到處軍容森壁壘

閣看沿江礮臺

沿途景物

攬江村節樓開日春光滿喚醒梅魂與柳魂

於三月二十九日接

印下車之始
力求整作

丹心白水夙同盟看取翩然琴鶴輕其仰盛年似荀羨

已驚威望比梁征未拋伊洛先儒學君在汴時創別鍊建尊經學堂

華戎合隊兵藉慰九重南顧意本來三輔久知名君曾

官大京兆

書生本色一吟筇北轍南轅鮮定蹤此日劍池春試馬

昔年金闕曉聞鐘君曾充留守大臣惟憐桑梓睽違久尙冀松

楸入望濃可柰簡書催太急鸞輪連日走如烽君去年擬乞假

同貴州籍未果今年又擬請二十日假回江西原籍省墓旋奉旨催赴新任亦未果

太邱家世共知聞霄漢翱翔幾雁羣君昆弟鼎盛宋代勳名

比韓范陸家兄弟本機雲卽今旌節臨申浦可有詩篇
寄卯君欲向池塘尋舊夢吳門草色綠如裙

憶接清光癸卯年集中留得送行篇

在第二卷

喜聞大旆

三吳蒞頗損衰翁一夕眠

余與書云聞君將來喜而不寐

坐對定應憐

老態起迎不覺聳詩肩只愁愛壻分襟去未免欣然又

惘然

子原守蘇州
遵例回避

四月初八日

先大夫忌日感賦

自作孤兒六十年強扶衰病拜筵前敬因忌日陳家祭

愧未清明上墓田

比年德清掃墓皆命陸雲代往

聖世科名今已斷

科舉已停則吾家
科名至陸雲止矣

名山著述可能傳

去歲於西湖及紹興諸暨寶掌巖兩

舊書藏印雪軒詩
文皆敬藏其內

惟欣垂暮崦嵫迫不久還應侍九泉

舊錫孟歌爲周子雲作

君年未六十風貌甚古朴訪我春在堂我因止之宿每

日寅卯閒君已起盥沐手挈歛煙筒

三字見佛經

來造我之

屋別攜一錫孟小僅如匳盞無款亦無識不珣又不琢

似土盞無蓋如瓦鎔無足中盛淡婆姑

煙草名淡巴姑亦名淡婆姑

零雜可一握我見爲睍眄此物目曾觸是我先母物手

澤今猶潄我母與若母姑姪誼最篤偶然以此贈誰料

至今蓄緬惟我外姊長我逾二六

君母我外姊先慈從胞姪長我十三歲

小賴提攜垂老更友睦自承我母賜寶之如和璞相與

其晨夕都忘幾寒燠今又傳至君不厭手頻捉其色則
黝黝其聲則砢砢彎彎曲曲屑凸凸凹凹腹低邪不中
規斑斕欲生醭幾同欹器欹幸免撲滿撲置之星貨鋪
一錢無可鬻君看富貴家傾銀又注玉麻拂葛燈籠兒
孫以爲辱君胡獨不然其意別有屬一器豈所珍有懷
在風木老物重摩挲色笑儼在目范硯魏公笏方茲亦
何惡世世永寶用毋使毀於櫝卽此拳拳意可以愧薄
俗而我亦悽然爲君歌此曲同懷杯棬悲老淚不勝掬
四月二十八夜夢見先君子余問大人近亦作詩
否曰明日卽有詩課課題詠江珧柱二十韻覺而

異之紀以詩

夢裏居然笑語聞老親情興尚殷殷招來吟侶金鷺籠

先君墓在金鷺山

拈得詩題玉柱君故事想應徵海月舊交尙

可訪茗雲

先君幼時讀書徐氏茗雲草堂

如何人世翻零落雅站驢墮

付夕曛

次韻答小石中丞

未能扶杖暫登堂且劈吟箋寫夢光雪唱雲和殊有味

唐僧齊己詩忽得雲和雪唱詞和字讀平聲

高鵬低鷄久相忘從容巾扇看

諸葛脫略衣冠笑子桑再作小詩邀一笑妨公半日簿

書忙

陳鹿笙方伯述其伯父仙洲先生諱錫鈞乾隆癸酉科舉人官保定府知府八十歲直督李文忠保薦卓異八十四重宴鹿鳴八十八與夫人林氏重圓花燭猶在保定府任也斯真人瑞以詩紀之

息廬八十須眉白

息廬乃鹿笙自號

生日開筵讌賓客酒酣與

客話遺聞還效兒童呼伯伯君家伯父仙洲君自幼讀書工爲文鄉榜題名前癸酉其時弱冠一終軍身歷仕途容易老一麾五馬官非小居然首都領畿疆卓卓循聲滿燕趙畿疆坐鎮李文忠敬以循聲達聖聰肅平上考二千石耄耄高年八十翁八十老翁登薦牘已使

人人推老福更聞兩度鼓笙簧更見兩回拜花燭兩事
人閒總大難天教此老一身完最奇白首重來客還是
黃堂見任官佳話流傳遐邇徧一時歌詠盈千卷息廬
使我補爲詩不覺臨風生艷羨我雖鳴鹿兩登筵一斷
鵲弦廿七年何況朝衫拋棄久半生蹤跡只林泉偶向
吳中徵逸事却有一人聊足誌定遠方君百歲翁手版
脚靴猶未棄同治間有定遠人方寶質號介亭以同知
候補江蘇年百歲以耆員奏請恩
施當年入奏號耆員定轍迢遙惜未聯倘許保陽來聽
鼓府公郡佐兩神仙

書王可莊太守尺牘墨蹟後

君以第一人高占蓬山頂內而史筆操外則文衡秉及
把一麾出劇郡兩典領仁粟被萬家盜風空四境遂使
吳中民謂與況公等方今求治急風動各行省平原走
火車空山鑿金礦取士由學堂徵兵徧鄉井特頒議員
章創定鄉官品公堂坐律師官路立巡警足纏禁婦女
體操教童齟官設烏煙盤將擁紅幫艇彩票奉憲開護
照從洋請米禁時弛張漕價歲增損事涉教堂難捐到
妓寮盡有司勉奉行心與力交窘束手歎封疆攢眉愁
牧尹倘使君尙在官位必更迴或出擁旌麾或入調鼎
鼎際此時方艱諒必動中肯管子審重輕鄭倚濟寬猛

上免 胥旰憂下爲閭閻幸豈惟比韓范行見匹崇璟
惜哉公輔才年命竟不永遺墨留此編對之涕欲隕走
筆書數行聊以發孤憤舉世笑科舉人人齒欲冷此中
亦有人幸毋一例擯

題唐朱審山水長卷

嘗聞唐以前畫史畫入丹青皆實事山川城郭寫真形
不以白描矜絕藝

諸本謝在杭五雜俎

朱審唐時老畫師題名進

士建中時留此山水一長卷尺洲寸島窮豪釐所惜相

傳千百載題跋諸家無一在

國朝兩老此留題

米紫來漢

要汪恂齋輯

空以詩情摹畫態我思此畫出唐朝閭閻遺型

尙未遙某水某山當有本必非粉墨憑空描惜我生平
遊覽少展卷彷徨無可考中間石佛巋然存此事頗堪
一探討吾孫奉使過嘉州嘉州大像今猶留雙趺巋巋
跨江岸至今江灘名佛頭然其風景全不似迴非蜀山
與蜀水更有一寺兩浮屠回首蜀江亦無是我詩姑作
是云云敬問人間宗少文倘使卧遊徧海內定能證實
此煙雲

俗諺云夏至有風三伏冷重陽無雨一冬晴有風
亦作酉逢無雨亦作戊遇未知孰是今年五月朔
夏至是日適逢丁酉賦詩紀之

不計二十主
衰屏難與夏蟲爭最怕炎官太不情且喜一陰生遇酉
不愁三伏日逢庚已無徽雨沾衣澤會有涼風入坐清
所惜重陽非是戌不然還許卜冬晴

肥亭餽蓮花白

蓮花白西洋菜也形似菡萏而大鬆脆可口

是何蔬品錫名嘉見說來從海外槎蔡伯喈雖司菜庫
張昌宗本號蓮花珍逾菡萏千金貴大比芙蓉幾倍加
從此竟堪忘肉食豚蹄雖好不須誇

君曾饋
蓮蓮蹄

左席卿直牧

樹珍

贈五言古詩一章賦此荅之

明季士空疏斯文幾墜地詩文號復古誰則知古義

皇朝崇正術表章先六藝絕學乃復興鉅儒出其際闡

顧導其前江戴後斯繼

僅舉四家本會文正見贈詩意

爰從漢唐來森

然樹赤幟繫余實憲愚茫乎其若寐幸生諸老後聊亦
一得覲羣經既兼習諸子亦旁肆粗通訓詁法稍知假
借例高郵王氏門未逮竊有志書成數百卷十或得一
二三十餘年來頗亦行於世吾道有盛衰世運有隆替
自從西學興舍道求之器士習光化學童寫俄英字異
學旣風行邪說乃日熾分可君父忘嫌不男女避三綱
行且淪六經固當廢阮王兩鉅篇至今高閣置區區曲
園書不值一笑咤老夫亦自量何敢再攘臂顧視此芻

狗未忍竟拋棄浙西於錢唐浙東於諸暨各營一書藏
藏成深且邃吾書藏其中吾意竊有翼更歷千百年風
會或又異儻有好事者出而發吾秘乃今讀君詩轉悔
此非計當代有子雲何必後賢跂作詩敬謝君亦以寫
吾意恩恩一席談落落千秋事

五月十一日夜有綠蝴蝶大如盃四足飛集長曾
孫女璉寶之室馴而不去賦詩紀之

豈果仙蹤出太常却驚非黑又非黃

太常仙蝶有黃黑二種

勸君

紅友一杯酒間是綠衣何處郎濠濮不堪尋舊夢羅浮
或許認家鄉老夫戲語重孫女此蝶分明爲爾祥

題梁文莊公家書後

昔從湖上拜梁莊

即文莊賜坐

今讀遺書味更長數紙盤盂

垂大訓百年翰墨發奇光文莊本是三天客舊學甘盤

感疇昔

金殿揮豪墨滿襟

純皇御手親扶掖

公在書

房爲

純皇帝作劈窠大字適

世宗駕至命

公子黔

中遠駐車其時邊郡拜新除

公子敦書官

至今留得官

箴在老父清勤堂上書

書尾署清勤堂筆

書中語語清勤慎勉

以實心行實政要言切戒是通融想見前賢風采峻手

書剛健又婀娜得力珠林寶笈多

公豫修秘殿珠林及石渠寶笈

異日

山舟擅書法可知此冊是先河數十年來風會變老輩

典型難得見回首傳經介社家湖山養福徒餘戀

傳經介社

及養福湖山皆

高宗賜額

當日迎鑾淮水湄廣颺

御製百篇詩

見家書

雨窗展卷流連久如見乾隆全盛時

余以虛名傳播海內外雖知不稱然或者有以致之也若幼少之時天資驚下不異常兒而諸長老每有非分之期許殊不可解垂老追思偶得三事各紀以詩

吾舅平泉君姪氏娶之黃爰有黃公者姪氏兄弟行吾舅有四女議以季歸我姪氏猶遲疑有可有不可黃公語姪氏爾毋與與而猶猶今失此佳壻雖列萬炬何從

求嗟我幼魯鈍日讀不過二百字不知公何爲心乎愛之口不啻今老且就木未足副公當日意八十餘年來黃公名字不能記

我年二十歲偶從先子還德清維舟三里塘徒步同入

東門城道逢一沈公名雲字舒白

道光辛卯舉人甲辰進士

先子命

我揖尊稱叔與伯後公與坐客縱論邑中諸名流有若某某輩公皆閉目搖其頭坐客愕不信豈無一士堪千

秋公乃張目語曰有俞樾在公等如欲與爭雄請學虬

髯避海外吁嘻乎道旁一揖須臾聞公從何處窺一斑

此事徐子爲我說

徐本立字誠庵亦同邑人

至今懷疑不能釋

孫公竹孫者先君子之表妹壻吾嫂又公女故我童時
以父事十齡就外傳讀書於其家童子六七八人樓上同
呶啞及我二十四自江右歸應鄉試公偶留我飯稱我
譽我不我置公有兒子坐其旁亦出一語相揄揚俞氏
難兄又難弟兼謂余壬甫兄將來名位未可量公乃憮然歎爾
言何草草小俞千古一傳人富貴功名安足道兒子愧
且駭不敢措一詞余亦起避席自覺顏忸怩嗟我爾時
何所有但有小詩數十首公何所見而云然許我名傳
千載後至今垂老一追思未識公言能副否

孫公名家
球竹孫其

號仁和臨平鎮人故
相國文靖公從孫

含真仙蹟圖

陳小石中丞喪其愛女曰昌紋字繡君歿後於夢中
頗見仙蹟母許夫人命工繪爲圖圖凡二十余按真
誥女子得道者居含真臺因爲題其首曰含真仙蹟
圖璫玢兩曾孫女各爲賦七古一章余覽之亦欣然
有作

天風吹轉蓬萊院世界恆沙誰復戀爲感高堂展轉思
故教夢境分明見珠簾銀屏敞畫堂霞巾羽袖換仙妝
人間羅綺都拋卻此是華胥第一場偶然一換男兒服
游戲神通迷撲朔手中簫管玉玲瓏頭上冠纓金絡索

菩提明鏡總無埃
竟到華嚴法畛來
兜率陀天迎玉女
阿修羅眾拜瑤臺
有時閒泛芙蓉舫
眞從春水來天上
四圍瑤草與琪花
一隊蘭橈兼畫槳
有時茶火見軍容
玉帳牙旗在碧空
多少蛾眉擢印侍
繡螭孤下女元戎
茫茫俯視塵寰處
黑霧黃埃莽如許
瓶中瀉出一泓清
大地清涼皆淨土
歸來還是九霄旁
宮闕參差別一方
招得龍池諸女伴
仙音三疊奏霓裳
雲情鶴態描難足
寫出丹青剛廿幅
爲署含眞仙蹟圖
大堪補入雲仙錄
曾孫兩女畧能詩
各向窗前苦運思
牽率老夫發吟興
亦拈枯管一題之
題詩并檢瑤華史
千古幾人能得似

慧業應逾葉小鸞奇蹤不數曇陽子詩成投筆更茫然
暮景崦嵫轉自憐兜率海山竟何處不禁昂首白雲邊
女壻許子原自松江移守蘇州三載有餘矣今年
陳筱石中丞來撫三吳其妹壻也依例迴避遂拜
贛州之命余老矣恐此後再見無期因歷叙數
十年情事作詩送之卽以爲別

憶昔絲蘿初締盟兩家同住鳳皇城袖中一幅紅鸞束
坐上雙杯碧茗羹癸丑歲余在京師許季傳親家至余寓袖中出紅柬求親余亦袖紅柬往
報允杯茗而已時勢艱難昏嫁早甲子歲成昏壻年十七吾女年十六
禮無簡於此者翁送上長安道破費研經數月功布被練裳殊草草卽

遺嫁次君家門第甲杭州七子登科額尙留許氏橫河

此詩意只惜靈椿凋謝早西華葛屨亦堪愁吾女相從貧賤

際常憂門戶支無計勸學殷勤螢案功謀生辛若牛衣

涕訪經精舍面西湖婿女同來亦足娛夜夜俞樓共燈

火朝朝俞舫狎鷗鳬更喜蘇杭來往便東偏爲掃梧桐

院曲園花木小徘徊秋去春來梁上燕自甲戌至辛巳

秋去無何一慟淚滂沱慧福樓頭怕再過黃壤廿年嗟已

矣青雲萬里問如何送君又上京華去此去聲名滿郎

署郎署爭傳水部詩諫垣榮掌京畿路一朝五馬向南

來五十年華鬢未衰已喜名區典峯泖更欣首都調蘇

臺蘇臺原是舊游所春在堂前重笑語昔時書卷寄芸
窗此日旌麾照蓬戶自憐老病未登堂車騎頻來亦有
光郢說新奇常借閱郇厨精腴每分嘗太守園林花最
盛太守愛花同百姓不辭日翦數枝來插我膽瓶斜又
整曲巷平橋路未賒奴臧婢獲走如麻吾家孫婦君嬌
女日日堂前盼阿爺曾孫癡小猶垂髫令節生辰皆往
賀姊弟明朝赴外家先生一日停功課今春歡笑復明
春三載閒園作主人閒園乃郡署園名也吳下鶯花常似舊天邊
節鉞驟頒新新來開府君家壻國家令甲宜迴避豈
有妻兄顏濁鄒可使臺參同屬吏石樓山下路悠悠章

貢分源此合流君以書生守邊郡一官雄鎮贛江頭江
南父老咸嗟惜惜此賢良二千石尙期陳臬輿開藩還
我使君終有日祗餘衰朽不勝情忍向尊前唱渭城惟
誦當年舊詩句老夫相見恐來生

丙戌年送君北上詩也

午橋尙書登瑞士國布拉德山絕頂時閏四月十
八日積雪滿山千里一白風景絕奇因用西法照
印以一紙寄贈爲賦短歌

羨君豪游直到西海西布拉德山絕頂窮攀躋俯視滄
海深深八千尺仰觀但覺浮雲低又況千山萬山雪合
成一片水晶域願君大筆此留題萬古洪荒數行墨

寄贈劉雅賓太守

傳福

雅賓乃余主講吳下時肄業生也時新從四川叙州府調綏定府以書來告

五馬新移古達州
宕渠山下已停驂
行蹤幾徧三巴路
名姓應題六相樓
李嶠李適之劉晏韓滉元稹張商英並官其地後皆入相故有六相樓焉
君以翰林出守
或能繼其感乎
驛路風霜勞宦轍
講堂燈火憶前游
蜀箋蜀錦無煩寄
愛聽循聲動冕旒

小石中丞之撫汴梁也因求雪得雪讌集賓僚於曾文正祠之辦香樓賦詩紀事屬而和者自學使方伯廉訪以下二十二人刻石祠中承以拓本見

示余感念前游預聞盛事卽次原韻走筆成詩不

計工拙

五十年前歲丙辰

余從前奉使中州起乙卯秋訖丁巳秋故舉丙辰言之

梁園會

忝坐中賓今來吳苑新開府亦是樊樓舊主人大啓瓊
筵因賀雪小拈斑管便生春刻成不待碧紗護紅袖何
須再拂塵

聞爲南豐特起樓自慙無分到樓頭欣看好句皆珠玉
莫問浮生幾葛裘匡濟時艱公等在優游歲暮我何憂
倘教得預諸賓末敘齒應叨一席留

聞同會二十二
合成一千一百餘

歲使老夫得預斯會
恐無出我右者矣

午橋尙書以埃及古國所得石像數具摹拓其文
製扇贈客余與陞雲各得其一洵奇蹟也爲作此
歌

埃及始建國遠在少昊時國名密西來城曰地維司
來亦作密西地維司其初築城地也厥後改名作埃及惟時正在殷中葉
時在西歷前一千四百八十五年加今西歷一
千九百有六年則三千三百八十有九年也
千四百年數舉成乃有遺文書我筵埃及國文字肇始伊
何人創之者阿妥繼之者明命後來國勢加恢廓竟有
戰船紅海泊約瑟登朝解救時所柳越國來談學一亡
於波斯再亡於羅馬茫茫開洛城故宮無片瓦尙書仗

節駕飛鱸閒來弔古亡王墟不識當年三石塔歸然舊
址猶存無近從歐洲歸貽我一便面上有埃及文觀者
目爲眩但見摹拓如人形慮僞銅尺一尺零其形或正
亦或反無論反正皆有銘行列頗分明文字莫可校一
二象形文爲羊又爲鳥聞埃及國文字亦有象形會意
指事各種余觀此文有若羊者
一有若鳥者三
殆皆象形字也老夫老病形支離安能海外從公嬉布
拉豪游已歎絕君登瑞士國布拉
德山以照片寄贈埃及古蹟尤驚奇倉
頤石室書千古無人讀永福有仙篆歐公不敢錄中國
文字猶難通況在大荒西經中惟欣得此掃殘暑數萬
里外來清風

日本人有小柳司氣太者編輯余事蹟分爲六章一
曰曲園世系二曰曲園出處三曰曲園著述四曰
曲園與我國文學五曰曲園與曾李二公六曰曲
園襍事余皆未之見惟其第三章言著述者刻入
其國哲學襍志二十一卷余得見之而中東文字
襍糅不可辨別宋澄之孝廉諳習東文爲余譯成
一篇因題其後

舉世人人談哲學愧我迂疏未研推誰知我卽哲學家
東人有言我始覺哲學雜志來東洋曲園著述言之詳
豈惟師友追曾李抑亦源流溯漢唐自宋迄明講心性

直到 清朝經學盛江戴師生自繼承高郵父子相暉

映古書假借發明多古韻部屑分別定曲園生值道光

元諸老彫零垂欲盡乃從高郵王氏後又自森然闢門

徑是固二百餘年來天使曲園爲後勁

以上皆隱括原書語謂曲園乃

中國經學家殿後之巨鎮

我聞此語雖慙惶或者調言猶可信又言

新學興泰西幾視舊學如糠粃豈知新舊迭相嬗未可

棄置同筌蹄當以支那諸舊籍

外人皆稱我國爲支那

歐西新說

同參稽天生曲園於此日豈徒孑孑存遺黎正於新故

僣互處使爲象寄爲狄鞮

亦隱括原書語謂曲園乃新舊過渡之大步頭也我

聞此言三大息此言於我非所徠方今一變可至道俎

豆危欲祧宣尼吾儕遺經尙在抱行見萬口交訶詆更有何人此問路山徑問介原非蹊老夫年來見及此兩度藏書山腹裏儻有一卷兩卷傳庶可千年百年俟余年於浙東西山不圖今遇小柳公竟知世有曲園翁收中皆鑿石藏書歸哲學傳中去傳語康成吾道東

畫像

古祭必立尸精神相感召尸廢圖像興則在求之貌金母畫甘泉其像必已肖唐代拜御容尊嚴比宗廟流傳逮岷庶沿襲成典要若非有畫像何以寓追孝西人講光學其技益奇妙攝影入玻璃寸管窺全豹惜乎光易

流數年便銷耗始知鏡取形不如筆寫照嗟我八十六
敢謂年非耄吾裨久已製吾像猶未造範金固無貲刻
木亦費料乃招畫師來爾技爲我効形勿忖留嫌神必
阿堵到異時坐影堂伯鸞醜德耀子孫沿成例歲時薦
剗芼下逮雲仍輩鑑下來瞻眺曾孫猶識我一一指相
告此卽曲園翁老醜幸勿笑

黃河鐵橋歌

吾聞秦莊襄實始爲河橋此橋下逮明萬厯蒲津古蹟
何遙遙

秦紀但云作河橋張守節謂卽蒲津橋此
橋在朝邑縣直至明萬厯時河徙始廢

西晉

建河橋議本杜元凱此橋累代有廢興北宋末年橋尙

在晉杜預倡議於富平津口作河橋其地在孟縣宋政和中猶修治之黃河千古流濺濺

河橋此後無聞焉不圖聖清奏奇績鐵橋高架河之

堧自從火車入中國津漢一途互南北何物黃河當我

前臨流欲渡渡不得外國工師膽氣粗謂此何足迂吾

塗初議作鐵橋猶與未決外國工師力贊成之乃聚千斤萬斤鐵彩虹一道

平空鋪從此輻輪來往便游龍流水走如電不消烏兔

兩回忙已自漢濱達京甸自漢口徑開京師不兩日而達從古河橋盡

造舟易竹爲鐵計已周古之河橋皆是浮橋故杜預云造舟爲梁河橋是也蒲津橋舊

制本難竹竿以維之唐開元時始以鐵索易竹竿見張燕公橋贊眼前突兀鐵橋出此

舉真可空千秋宋時萬安橋刻有蔡襄記橋廣若干修

若干微至楯欄無不具黃河鐵橋前朝無固宜備載橋
規模惜哉未有鐵橋記幸哉猶有鐵橋圖我撫此圖一
擊節我觀此圖三太息易以設險戒王公無險何以守
邦城南條之水江爲大北條之水河爲雄九州形勢此
其最金湯天造非人工往者東南羣盜起 朝廷特遣
防河使彼時千騎聚如雲此日一橋平似砥況聞鐵軌
徧塵寰十里百里一息閒入蜀曰如無劍閣游秦何處
有函關勇夫重閉古人語王道蕩平乃如許水則徑投
苻堅鞭陸則高叱王尊馭我言未竟人爭前豎儒刺刺
言何多五大洲且合爲一看余海上采龍鬚

陳鹿笙方伯輓詞

鹿笙故有脾洩之疾今年五月增劇自知不起豫賦
絕筆詩十章其月二十八日作書別余且贈五絕句
并以絕筆詩寄示是月小盡至六月六日而卒僅隔
七日耳余感其意和其絕筆詩四首聊寄一慟原詩
十章皆用一先韻不知何取也

來去分明自了然不生佛地定生天人傳巴蜀留遺愛

公與湖山有宿緣

君自川藩罷歸卽寓杭州

一月病魔愁殭殢十章

詩筆喜輕圓只憐老友淒涼甚回憶論交卅載前

相逢一面訂韋弦巾子山邊送上船當日不知行旅苦

至今深感使君賢

余癸酉年至福建道出台州君適守台為余具舟并遣健兒護送至黃巖

杭州其賞晴湖勝蜀道全消夕埃煙却好吾孫銜命

至寶筵安穩薦嘉籩

壬寅歲余孫陞雲典蜀試第三場點名時有寇闌入省城君力戰却

之否則危矣

吳中花月話便娟藉慰相思各一天

前年君來吳下相見共訝衣

冠能殺賊

即壬寅蜀中事君有衣冠巷戰圖

我看杖履竟如仙霜松雪

竹何妨傲白髮蒼顏倍覺妍遙指三台山下路他年於

此其長眠

君卜葬西湖三台山與余生壙相近

今歲剛交八十年欣看荷葉正田田

君今年八十月期於四月豫祝

文度常依膝

君長公子幼鹿觀察今年六十與君同日稱觴

何意洪厓遽拍肩

耄耄光陰眞露電仙凡況味異馨羶不知他日逢君處
能否同依香案邊

君贈余詩云前
身同侍玉皇前

馬鈴子

秋蟲也聲似馬鈴故名

平生抗俗走塵紅車鐸卽當慣耳中何意野蟲秋振羽
竟如天馬夜行空不同暑日蟬鳴樹暑比寒宵蟀在籠
我曰壯心銷耗盡敎伏櫪老英雄

黟縣程輝卿錫煥以其先德勗吾翁詩見示余未
深許又以畫冊來則花草禽蟲無不入妙因摘段
成式語活禽生卉四字題其端并附二絕句

黃筌禽鳥趙昌桃

宋袁桶句

以畫成名亦足豪絕勝詩家生

活冷霜情月思寫枯毫

晴窗展卷幾回看妙筆天成品目難且學段家柯古語
繼禽生卉是邊鸞

小石中丞巡視太湖口賦詩四章歸以見示和其

一首

直上香山憐太湖昔時曾伴老龍圖

余戊辰歲從曾文正公游此今三十

九年卅年舊事憚如夢一樣江山總不孤試向煙渡窮

北望可知形勢冠東吳何當鼓棹從君去飽看秋花千

頃蘆

孝女徐二姑詩

老去江郎筆已枯尙將史筆寫莊姝不傳才藻劉三妹
只表貞妻徐二姑二姑昆弟原非一姑與一兄皆嫡出
坎男離女竟雙生楚國唐勒同一律無何乾蔭謝靈椿
庶出諸郎散似塵只有一男與三女垢衣生薜侍孀親
不圖兄又魂游岱臨死殷勤重語妹與妹同來不同去
此後孀前惟妹在可能竟作北宮嬰夏清冬溫妹代兄
涕泣誓言聞命矣拌將丫髻了終生長女三女後先嫁
留得二姑脂粉謝長依白髮母堂前不負黃泉兄地下
廿年事變儘繁多古井沈沈總不波惟把前言盟息壤

不將獨處感炮媽春風深閉閒庭院蠶母鴉娘稀覲面
肩輿忽過所親家兩家阿姥皆相見爲言吾母病龍鍾
後日還期時過從欲使病親先有託豈非大命豫知終
晨妝明靚猶無恙殯殮經旬俄屬續歸去泉臺見阿兄
應言恨未能終養蘭臺舊史曲園翁爾父會同入泮宮

二姑父名本立字誠庵江蘇知縣余與同歲入學

已歎故人失城北更欽孝女

勝河東夏侯碎金奇女子離夫事父登唐史何如不嫁

更爲高巾幘完人了無滓傳語杭州采訪家莫將奇孝

等恒沙一自封章陳大吏果然 恩命出京華

余告之杭州采

訪局遂得

旌如例 百行由來惟孝重一縣喁喁咸感動未見門

前緯楔高已看祠內馨香供

光緒三十二年八月二日入德清節孝祠老

我顏唐病不支尙將名教强扶持惜無黃絹中郎筆來
寫清溪孝女碑

聞子原移守廣信賦寄

翠微樓在翠微閒

郡城有翠微樓

且喜銅魚又此頒十八危灘

休問訊

初授贛州

卅三福地好躋攀

郡西北有靈山道書稱三十三福地

晨衙

已免臺參累宵枕何愁睡味慳

君素患失眠今當愈矣

試看南屏

與靈鷲分明移到故鄉山

靈山一名靈鷲山郡東南又有南屏山皆西湖山名也

唐張繼楓橋夜泊詩膾炙人口惟次句江楓漁火

四字頗有可疑宋龔明之中吳紀聞載此詩作江

村漁火宋人舊籍洵可實也此詩宋王邠公曾書以刻石已不可見明文待詔所書亦漫漶江下一字不可辨筱石中丞屬余補書姑從今本然江村古本不可沒也因作此詩附刻以告觀者

邠公舊墨久無存待詔殘碑不可捫幸有中吳紀聞在千金一字是江村

次韻筱石中丞穠夜作

纔聞攬勝到天平

君前兩日曾遊天平山

泉石流連尙有情吟案

燈光搖客夢戟門鼓吹動秋聲朝晴應卜農由熟宵永

彌添詩味清想見九州兼督日蕭然還是一書生

悼曾孫慶寶

肌膚冰雪貌丰昌
況復聰明記性强
以我八旬猶未死
致兒四歲便云亡
笑啼都化三更夢
湯藥空勞一夕忙
始信人閒醫可廢
老夫舊論不荒唐

醫來皆不知何病

七月初余用西人攝影之法照一小像僅五六寸
耳白須溫卿取付其國照相館拓而大之至四尺
餘立之坐側偉然可觀爲賦一詩

六寸俄成四尺強
層層攝取鏡中光
仍留裴楷三毫在
竟有曹交一半長
藤杖過頭人獨立
葛衣稱體候初涼
置之客坐非無意
客到還如我在旁

陳鹿笙方伯之卒也余旣以詩弔之矣已而聞其
戚施君言君易簀後子孫已哭拜訖忽又張目起
坐索紙筆作書以洋錢若干分賦其眾某一百某
二百又書一絕句云行年八十似浮漚萬斛塵緣
死便休但願海波風漸息家聲不墜作清流書已
投筆就枕仍悠然而逝來去自如眞異人也賦此
紀之

壽陽相國告終時起擁夷衾又賦詩

聞祁文端公始信
臨沒有此事

至八原不死豈期異事又逢茲數行拉雜分支券四句
蒼涼絕筆詞就枕悠然仍復去茫茫此去竟何之

題程忠壯公遺像

程靈洗謚忠壯陳書有傳其先在梁時聚兵保黟歙拒侯景領新安太守至今徽人廟祀之徽之程姓者皆奉爲祖猶徽之汪姓者皆奉越國公汪華爲祖也其裔孫錫煥以畫像求題并有宋寶慶三年九月一日封廣烈侯誥古色黝然唐宋以來題跋諸家有文天祥有虞集洵程氏世守之寶也因題二律而歸之桓桓忠壯邁恆倫遺像留傳尙似新百戰功名始夥歟兩朝辛苦事梁陳旌麾所向生無敵俎豆常存歿有神祠廟合鄰汪越國同看子姓奉明禋

言二二三
英姿颯爽照塵寰想像神威百世閒誥敕崇封猶寶慶
名流題跋有文山圖麟生面居然在射屨遺聞未可刪
誥詞有射屨息妖語
於史無徵必其軼事也似吾鄉錢武肅一方鐵券尙爛
斑

六橋太守三多本杭州駐防也奉檄權知杭州府
事杭人守杭事亦罕見書來乞詩爲賦一律

從龍勁旅駐吾杭二百餘年當故鄉

君家自順治二年駐防杭州至今已

傳九平日鳩車此遊戲一朝燕履忽飛翔暫因簿領拋
世矣

松菊已見旌麾照梓桑頓使俞樓增色澤門生門下有

龔黃

明人稱門人之子爲門孫見都公談纂余偶載之
於茶香室叢鈔遂有投刺於余稱門下曾孫者戲

賦一詩

舊游如夢亦如雲自顧頽齡轉自欣年齒已成野王者
輩行合是武夷君淵源竟及三傳遠沆瀣還從一氣分
功令不將科舉廢元孫門下定成羣用孫四門生內翰林外用知縣
者頗不乏人使科舉不廢則或放試差或充同考所取之士余可作元孫觀矣

題張楚寶觀察三石圖

一石坐如踞一石拜如笑一石天矯學作龍神龍欲飛
不肯臥三石得一已大難兼而有之眞奇觀有如重臺

蓮一朵又若偃蓋松千盤異哉平泉一品石竟作太華
三峯看我閱磊字訓眾石此義曾由校長釋請歌楚辭
石磊磊願君石交得三益

黔士嚴晴初黎授孫自言黔去吳萬里無不知有
曲園今來吳下不可不一見余感其意爲賦此詩
黔士平時所識稀何來二客欸吾扉謬推海內靈光殿
請看先生杜德幾言語闊疏無意味衣冠布素少威儀
不如舍此閑游去十里山塘好夕暉

浙西荒於水吾湖尤甚因賣字助振鈴之以詩
天將淫雨釀奇荒見說哀磬滿故鄉昔歲賣文今賣字

戊子巳丑
曾賣文助
松筠以二百寄德清交戴少鏞小助平糶又以二百寄
上海施子英景振江北餘則分饋族人并所識貧乏者
一杯之水
聊記於此

夫小作餽貧糧

是舉也得洋錢七百有奇以一百寄湖州交李

南匯葛氏昆弟四人曰伯慈曰仲達曰叔莊曰季

華偶於其師案頭見余賣字助振詩叔莊時年甫
十歲歎曰助振善舉也又可得曲園先生之字何
幸如之苦無錢耳因謀於兄弟各以壓歲錢所餘
乞余寫一聯余聞而嘉焉欣然寫付并贈以詩

大好家風葛稚川四株玉樹總森然堂前欲寫宜春帖
枕畔同搜壓歲錢不解何緣知漫叟最難此意出髫年

就中叔豹尤堪愛十歲能文謝惠連

胡效山觀察俊章輓詞

安定先生松柏姿歲寒標格最堪思人欽京國知名早

我恨蘇臺把臂遲幾輩貴游爭北面君少負文名從游者甚眾今尙書玉

岑溥公即其也半年邊瑣寄西陲君官延榆綬道未久即引疾歸上方文綺

珍猶在官秦時屢於行在拜受恩賚行卷麻沙版未翻會以會試殊卷見示袍

笏拋餘忘宦味鐙檠對處憶兒時百年科第題名表君

輯道光以來鄉會試題名錄甚備廿卷湖山攬勝詩君晚年輯西學湖詩錄甫畢老學

究存眞面目病維摩見古須眉仍勤鉛槧何曾倦能飫

肥甘豈是衰重繭宵披雖畏冷君性畏寒雙輪晨運竟忘疲

君出新意置輪杖端推之而行因余先世通家久余與令叔迪甫大不

惜衰門執禮卑鐵嶺新編曾再贈贈余八旗文錄兩

軒舊錄又分貽君今年買得阮文達兩桃投李報僅

奴熟雪唱雲酬婦豎知君孫女與余兩會孫居易方欣

交夢得伯牙何意失鍾期已開八秩堪稱壽偶抱微疴

總誤醫一月前頭猶枉過九泉何日得追隨今年吟稿

刊粗就讐校烏焉更倩誰余每刊書君爲校字甚精審

君不及校矣

美國醫士柏樂文寓吳下二十餘年矣近得一奇

術能洞見人藏府其法以一毬盛電氣使人背毬

而立一人以鏡窺之則藏府畢見吾孫陞雲往觀
焉適見其入之心長二寸許本小而末大本在中
而末徧左其色黝黝然其動趨趨然餘無所見蓋
毬之所置正當其入之心也若移易之當無不見
矣歸與余言因爲此歌以紀其異

龍叔背明立文摯向明看看見方寸地空洞無遮欄

見事

列後來一公謁華嚴使視吾心在何地忽騎白馬過寺
門忽上剎端危欲墜不知何術能使然或亦寓言非實
際一公事見醫家於此精研摩爰有明堂鍼灸圖人之
酉陽雜俎藏府歷歷在竟如依樣描葫蘆草囊盛血那可見未免

疑真又疑膺五藏之神各有名

見雲笈七籤

安能呼之使覲

面泰西醫士忽出奇覓於腹內窮豪釐一越大如盃空

明如琉璃雙管貯電氣輸灌無休時一人背越立一人

執鏡窺鏡中所見惟何物爲心爲肝爲肺脾雖有重裘

不能隔遑論其內膚與肌吾孫亦得與寓目惟見一心

儼可掬本小末大偏在左始信明夷占左腹此外一皆

無所見非不能見目不屬吾聞秦鏡高挂咸陽宮照見

五藏何玲瓏

見西京雜記

又聞唐時秦准得一鏡亦能照見

人心胸

見李潛松窓雜錄

此皆神物世間少不過文人佐詞藻

西人光學何神奇電氣用來無不妙一點靈犀仗此通

何必然犀方了了倘教此法傳人間和緩倉公都拜倒
三部九候不須言脈訣脈經皆可掃扁鵲洞見瘕結未
爲難華陀輕用剝割豈云巧吾孫歸以語老夫咄咄怪
事人爭呼老耒舊有杜德幾往往驚走鄭國巫柏君柏
君聽我歌此曲奇人奇技誠非誣吾心超然自在普賢
地試問爾鏡能窺無

曾孫女玟翦小紅紙三方大僅分許摺成一八一
馬一船頗極微妙爲賦一詩

人物纔如粟成來亦自奇須知五覆反不出一豪釐爾
可蝨心貫吾從蝸角窺因之齊大小芥子是須彌

光緒三十二年十一月十五日

詔升孔子爲上祀恭紀

江漢秋陽孰與倫巍巍道德配乾坤外人方欲羣經廢
明詔還將至聖尊俎豆森嚴升上祀章縫歌頌滿橋門
從前私慮今全釋始信斯文萬古存

是月二十三日又有

詔於曲阜縣特設一學堂仍用前韻恭紀

危言日出柰非倫曼衍將盈大地坤欲使百家消異喙
須爲萬世定常尊羅陳俎豆昌平里屏絕桓文孔氏門
想見詩書崇正術無論漢宋總長存

余謂曲阜特設學堂宜分漢學宋學

二科使人各就所近而學焉草茅私
見未必有當姑存狂瞽以觀驗否

王周曲

有唐詩學擅千秋三百年中不勝收我愛張皇到幽渺
戲將新曲譜王周周也晚唐一進士但有姓名無爵里
或亦東南吳會人故能私淑天隨子

見峽船生小聰明具詩序

阿母憐五齡課讀在燈前七歲居然解聲律柔荑小手
擘銀牋髫年便具青雲志不與鄰童共遊戲竹馬鳩車
盡屏除麻衣去就春官試一試春官袍換青泥金帖子
報家庭鄉中父老皆驚歎榜下郎君只九齡九齡登第
真奇事項橐甘羅何足異算有張童子一人或者與君

堪把臂

張童子九齡舉於禮部見昌黎序

朝朝游宴曲江東五百同年

拜下風題字已加前進士問年猶是未成童惜向榜頭
看瓊筆未占巍巍名第一隨例聊將幕職充蜀山蜀水
堪愁絕崎嶇萬里走瞿塘十二巫山路渺茫大好峽江
船具詠奈無魯望共商量是時海內方喧闐十國五朝
何佺偲草草梁唐晉漢周先生一覺邯鄲夢夢醒居然
宋代存太平興國五年春左輔一牙俄脫落時年太歲
在庚辰秭歸城外重經過太息舊游無一箇倘教王煥
偶然逢兩老尙堪同唱和

王煥唐天順二年進士至宋猶在年九十九

我爲

斯人一歎嗟可憐垂老尙天涯浮沈薄宦功名小淪落

荒陬道路賒轉念浮生如露電當時人物誰堪羨英雄
拋去彥章槍文字消磨維翰硯螻蟻王侯一例休不如
此老擅風流青年聞喜筵中坐白首耆英會裏游宋史
唐書都不載老夫留此長篇在請讀王周進士歌勿將
烏有先生待

病中答胡志雲太守贈鴨黃梨

北方有奇樹秋老結瓊瑤公子金衣貴小憐玉體嬌剝
膚全是液到口便成消除卻嫌山雪人閒讓爾驕

陳筱石中丞來視疾時適余睡未醒醒後賦詩謝
之

大費殷勤意親臨病榻前三生猶有待一面竟無緣爲
問維摩疾空勞師利旋知公迴旆際亦復一淒然

別家人

骨肉由來是強名偶同逆旅便關情從今散了提休戲
莫更鋪排傀儡棚

別諸親友

閱歷人間數十秋無多親故共綢繆今朝長與諸公別
休向黃蘗問舊遊

別門下諸君子

寂寞元亨楊子雲偏勞載酒共論交不知他日三台路

誰過空山下馬墳

別曲園

小小園林亦自佳
盆池拳石手安排
春風不曉東君去
依舊年年到達齋

別俞樓

占得孤山一角寬
年年於此凭闌杆
樓中人去樓仍在
任作張王李趙看

別所讀書

插架牙籤萬卷餘
平生於此費居諸
兒孫倘念先人澤
莫亂書城舊部居

別所箸書

老向文壇自策勳談經餘暇更詩文一齊付與人閒世
毀譽悠悠總不聞

別文房四友

論交最密是文房助我成名翰墨場太息英雄今日矣
莓苔拋棄綠沈槍

別此世

自寄形於此世中膠膠擾擾事無窮而今越出三千界
不管人間水火風

別俞樾

平生為此一名姓費盡精神八十年此後獨將真我去
任他磨滅與流傳

臨終自喜

自顧生平亦足豪莫將幽怨付牢騷聰明曾博 先

皇喜文宗顯皇帝曾與故大學士英桂語及臣懋有云人頗聰明寫作俱佳著述還邀

聖主褒光緒二十八年奉有恩諭彈心著述五百卷傳文字富卅三

年據講堂高祖孫同日官詞苑也算文人異數叨

談經楊子只雕蟲何意偏孚物望隆蒙云人望允孚已愧

品題同北海曾文正曾言李少荃拚命更驚圖像配南

豐日本人以余與曾文正小係合摹一幅傳布各國藏來墨蹟人間滿和到詩

章海外同擬覓西湖名勝處廣營書藏在山中

吾已營書藏二

如後人有力當更闢之

雲煙過眼總無痕爪印居然處處存科老眞將作祧祖

趙陞北詩科老已如祧廟主

年高不僅見門孫

明人有門孫之稱謂門生之子也若余孫

亦有門生則不僅門孫矣

叨先詞館人千輩再領鄉筵酒一尊更喜

崢嶸頭角在

謂曾孫倍寶

儻延祖德到雲昆

蕭然從此出紅塵在我眞無未了因三教何須共牽曳
九幽當可免沈淪生前自定名山業死後仍完淨土身
不學鳩摩出神呪臨終詩筆尙如神

臨終自恨

卷之三
五
茫茫此恨竟何如
但恨糝糠未掃除
七尺桐棺三尺土
此中了卻萬言書